

КОМСОМОЛОНЬ ВАЙГЯЛЬ

ЛИСЕНДИ VIII-це КИЗОСЬ

ВЛКСМ-нь Мордовский
обкомт и Саранский
юркомт газетасна.Адрес: г. Саранск, Советская ул.,
Дом печати, телефон № 1-60.

ПИТНЕЦ 5 тр.

МАРТТЬ
23-ЦЕ ШИСТОНЗА
1940 КИЗОНЯ
34 № (1686)

ЛИСЕНДИ КОВТИ 12-кст.

АФ ЮКСНЕМС АГИТАЦИОННО-ПРОПАГАНДИСТСКИЙ РАБОТАТЬ

„ВКП(б)-ть историянц Краткай курсонц“ светс лисемдонза меле комсомолса партийнай пропагандат ладямаса сатфт лама успех. Лама комсомолецт, комсомолкат, аф союзнай советский од ломатть успешнайста овладевают большевизмат мархта. Главнай методкс тонафнемаса арась эсь лангсост самостоятельной работась. Вов Ширингушский средняй школаса комсомолкась-учительница Елена Дмитриевна Канькова ялгась самостоятельна первоисточников коряс тонафнезе и конспектировандазень ВКП(б)-ть историянц сембе главанзон. Тяфтама жа сатфкст эсь лангсонза работазь сатсь комсомолкась Мишина ялгась (Зубово-Полянский район). Сембе нят фактне пильгонек-прянек синнесазь ся пелемать и эсь виенди аф верондамать сянь колга, бта аш кода самостоятельна тонафнемс партийтай историянц и вообще марксизмат-ленинизмат.

Минь од интеллигенцияньконь и особенна комсомольский активт аф мерамшка кассьспроссна философский труттнень тонафнемаснонды. Именна тяфтама лекциятнень синь кулхонкшнесазь особой активност мархта.

Но эряви азомс, што Мордовский комсомольский организацият пропагандистский работасонза улихть и оцю аф сатыкстка. Главнайсь синь эздост ся, што нинге аф сембе комсомольский активсь повседневна работай эсь идейнай политический уровеньнц кеподеманц лангса. Сембоц республикаса 10 тьожатть комсомолец йофси аф работайхть эсь политический уровеньнц кеподеманц лангса. ВЛКСМ-нь Зубово-Полянский райкомт кой-кона работниковза нинге работайхть „Краткай курсть“ васенце главанзон лангса, а Шеровась ВКП(б)-ть историянц тонафнема нинге йофси изь ушеткшне.

Оцю аф сатыксокс пропагандистский тевса ашиса, што первичнай организациятнень и ВЛКСМ-нь райкомтнень эса пцтай аф йотафневихть теоретический конференцият. Рузавский районуца Перхляй велень первичнай комсомольский организациясь 1939-це кизоня ашезь йо-

тафта „Краткай курсть“ фкявок главанзон коряс теоретический конференция. Да и йотафневи конференциятневок ламода аф соответствовандайхть сят требованиятненьди, конатнень путозень конференциятнень инголи ВЛКСМ-нь ЦК-ть постановлениянц. комсомолса партийнай пропагандат ладяманц колга Конференциятнень эса обычна эрйяхть 4—5 докладчикт. Эр докладчиксь аноклай анычек фкя кизефкс, а темать илядыкс пъялксонц колга нльне валнявок аф аноклай. Илядыкс ялгатне, конат присутствуют конференцияса, конференцияти йофси афи аноклакшнихть. Теоретический конференциянь йотафнемаса тяфтама формализмат эряви путомс пе.

ВКП(б)-ть историянц тонафнема оцю лезкс максихть ялгань собеседованиятне, но однака синь комсомольский организациятнень эзга аф йотафневихть.

Аф сяда цебарьста аши тевсь агитационнай работат мархтонга. Нинге аф кунара, местнай Советтнень депутатонь кочкама кампаният пингста тьожатть комсомолецт работат избирательхнень мархта населеният йоткса, каннесть тейст большевистский валть. Но анычек кенерсть йотамс кочкаматне, комсомольский организациятне эстакиге лоткафтозь тя агитационнай работат. Рузавский районуонь Левжа велеса тейнекс сьормадыхть: „Минь юкстаск ни мзярда ширесонк ульсь агитаторсь. Аф содасаск, мес лоткафтозь ся агитационнай работат, конач ульсь местнай Совету кочкаматнень пингста. Дряй народсь аф интересовандай международнай обстановкат мархта? Али эсь родинасонок одиятнень мархта? Конешна интересовандай, но синь населенияти аф азонкшневихть“. Тяфтама сьормада редакциясь получахши пъяк лама. Сембе синь корхтайхть фкянь колга, што аф эряви лоткафнемс, а нинге сяда вишконема населеният йоткса агитационнай работат. Особенна тяни, тундань видемати анокламат пингста.

Юкснемс агитационно-пропагандистский работат мзярдонга аф эряви.

ЗНАЧКИСТНЕНЬ ЛУВКССНА КАСЫХТЬ

Сарга велень колхознай комсомольский организациясь шарфни пъяк оцю мьяль оборонно-физкультурнай работати.

Аф кунара ПВХО-нь и ГСО-нь кружокне йотафтсть зачетнай занятият, конатнень пингстанят значокненьди норматнень цебарь оценкаса максозь 25 ломань, синь эздост 9 стирнят.

Сире-Шайговонь район.

П. Резаев.

СССР-ть и Финляндият йоткса ратификационной грамотань полафтомась

Мартть 20-це шистонза, Кремляса СССР-нь Народнай Комиссаронь Советт председателец, Иностраннай Тевонь Народнай Комиссарсь В. М. Молотов ялгась и Финляндский Республикат президентонц уполномоченнаенза Паасикиви и Войномаа господиттне полафтсть

СССР-ть и Финляндский Республикат йоткса мирнай договорт ратификациянц колга грамотат, а тяфта жа Мирнай Договорти мартть 12-це шистонза Москву ошса подписанай протоколхнень.

(ТАСС).



СНИМКАСА: Советский Союзонь Геройсь В. П. Чкаловсь корхни эсь земляконзон мархта Чкаловск ошу мельднь сашендомстонза.
Фотось П. Вознесенскийт. (ТАСС-ть фото-клишец).

Якстерь Армиянь войсковой частьтнень, соединениятнень, начальствующай составт и якстерьармеецнень каземасна

Финский белогвардейщинат каршес тюремста Командованият боевой заданиянзон пяшкодемста героизманкса и доблестенкса, конань няфтезе личной составсь, СССР-нь Верховнай Советт Президиумоц казсь Якстерь Армиянь 23 войсковой часть, синь эздост: 3 войсковой частьт Ленинонь орденца и 20 войсковой частьт „Красное знамя“ орденца.

Награжденайхнень йоткс представленнахть войскань сембе основнай роттне.

Финский белогвардейщинат каршес Командованият боевой заданиянзон образцовайста пяшкодемманкса Советский Союзонь Геройсь Сергей Прокопьевич Денисовсь казф омбоцеда „Золотая звезда“ медальса.

171 командиронди, политработниконди и якстерьармеецонди максф Советский Союзонь Геройнь звания и казф Ленинонь орден-

ца и „Золотая Звезда“ медальса. СССР-нь Верховнай Советт Президиумоц, башка указса, казсь 9329 ломань, конат финский белогвардейщинат каршес тюреммань фронтса образцовайста пяшкоть-кшнесь Командованият боевой заданиянзон, няфтсть доблесть и мужество. Награжденайхнень йоткса Якстерь Армиянь начальствующай составда и якстерьармеецта башка улихть начальствующай составонь семьянь члетт, госпиталень и гражданский учреждениян роботникт.

Ленинонь орденца казф 184 ломань, „Красное знамя“ орденца—1701 ломань, „Красное звезда“ орденца—1953 ломань, „За отвагу“ медальса—2707 ломань, „За боевые заслуги“ медальса—2784 ломань.

Сембе награжденайхнень примернай списоксна пчатлави „Красная звезда“ газетаса.

Йотафтсть внутришкольной обороннай соревнованият

Зубово-Полянаць средняй школаса мартть 5-це шистонза сязомок 10-це шинцты модемс ульсь йотафтфт внутришкольной обороннай соревнованият. Соревнованиясь примасть участия 35 ученик.

Военнай топографиясь соревнованиятнень пингста макссть цебарь показателхть Митакось и Смирнова Ольгась; противогазса—Умновсь и Пянова Зинась; ляцендемаса—Поповсь и Прибылова

Любась. Няка жа ялгатне получать цебарь оценкат граватометанияса.

Сембе ученикне примосихть оцю участия оборонно-физкультурнай кружокнень работаса. Соревнованиятнень ушedomда инголе 283 ученик максозь ПВХО-нь, ГСО-нь, ВС-нь и ГТО-нь значокненьди норматнень.

Терлова.

Зубово-Полянский район.

Обороннай соревнованиятненьди

Од Выселка велень средняй школаны ученикне районнай обороннай соревнованиятненьди састь оцю сатфкс мархта.

К. П. Рогачевсь аноклась 20 ученик санитарнай оборонань тевти, Ф. Л. Маркинць обороннай соревновани-яв аноклась 45 ученик ПВХО-нь службать коряс, а М. Е. Соко-

ловсь ученикнень йоткста аноклась морзистт.

Ученикне районнай соревнованиятнень эса кармахть тюрема районаца васенце вастть занимац инкса.

В. Кевбрин.

Зубово Полянский район.



1936 кизоня Украинский од ученаень кон-ференцияса присутствовандася Киевский школань 7-це классонь 12 кизоса учениксь Коренблом Бориссь. Сон выступал числань теориять колга самостоятельный доклад мархта. УССР-нь просвещения народнай комиссариатсь юнай математикти назначендась персональная стипендия. УССР-нь Наукань Академиясь кемокстась тейнза профессорхт.

1938 кизоня УССР-нь Наукань Академиять президиумонь сонь сявонь математикань институтть аспирантуразонза.

Сьоксанда 1939 кизоня Коренблом Бориссь сувась Киевский университетть механико-математический факультетонь экстернатозонза. 6 ковоць пингста сон максозень отличнай показатель мархта университетть васень колма курсонь основной дисциплинатень. Тя кизоть сонь мялец аделамс эсь высшай образованиянц.

Коренблом Бориссь лац содасыне немецкий и французский кяльхень. Свободна дуви иностраннай литература. Аф кунара ушедсь тонафнемонза английский кяльть. Коренблом Бориссь кандидатский аспирантура лувондови кандидаткс Сталинский стипендияти.

СНИМКАСА: Коренблом Бориссь.

Фотось Бадеть.
(ТАСС-ть фото-клишец).

Тонафнихть отличнайста

Ня шитнень эзда Каньгуж велень средний школань педколлективсь йотафтсь марса ученикнень мархта родительский собрания.

Собранияса доклад мархта выступил школань директорсь Сургаев ялгась. Сон азондсь лама примерхт ученикнень тонафнемаснон эзда, кода синь тонафнихть школаса. 9-це и 10-це классонь ученикне: Шумкин П., Кирдяев И., Н. А. Сабаяевсь, Артеминовсь тонафнема кизоть васень пяльксонц и колмоце четверть аделазь аныцек отличнай и цебярь оценка мархта.

Тяниень пингть ученикне сувасть социалистический соревнованиясь и кемокстась эсь йотковаст соревнованиень договорхт, штоба тонафнема кизоть аделамс аныцек отличнай и цебярь оценка мархта.

Родительхне вешть педагогический коллективть ширде, штоба сядь сиденията йотафнемс синь мархтост собраният. Кирдяев.

Кирдяшкин.

Ельниковский район.

АФ ГРАМОТНАЙХНЕНЬ АФ ТОНАФНЕСАЗЬ

Тонафнема кизоть ушеткстонза Порафнема кизоть грамотнайхнен и малограмотнайхнен мархта цебярьста йотафневсть занятия. РОНО-сь тязя кучсесь платнай учитель, работать сон латцезе аф калдывста. Тейнза лездсть НСШ-нь учительхне. Тонафнихне оцю внимания мархта кулхонкшнесь урокнень.

Но тьяни НСШ-нь учительский составсь тя тевть эзда аердсь, и мекольдены пингть аф грамотнайхнен мархта занятия аф йотафневихть. В. Челматкин.

Ковылкинский район.

Прогульщикне и синь кяшендисна

Левжа велень аф полный средний школань директорсь Талышкинц пяк грубайста нарушан-дакшнесы „Трудовой дисциплина“ упорядоченияса, государственной социальной страхованиянь практиковать цебярьгофтомаса и тя тевса злоупотребленихнен каршес тюреманы мероприяйтнень колга“ СССР-нь СНК-ть, ВКП(б)-нь ЦК-ть и ВЦСПС-ть постановленихснон.

Кепотыксонди, учительницась Гавычева Варвара Ивановнась 1939—1940 учебной кизоть омбоце четвертень пингста основаниф-тома нолдась лама шит и тись аф фкя опоздания. Сон февральть 19-це шистонза работама изь лисенде целай ши, бта сон сярдсь, но тя аф виде. Февральть 21-це шистонза Гавычевась тага поздазе фкя частсь.

Но сави азомс, што нят нарушенияхнен каршес Талышкинц аф вяти кодамовок тюрема. Да и аш кода тюремска, сяс мес Талышкинц сонц тя кизоня нолдась ни аф фкя ши. Тяфта, на-пример, мартть 2-це шистонза сон

школать кадозе и тевфтома тусь Саранск ошу, коста оправданиян-ди уськсь документ, што сон якась поликлиникав.

Нят позорнай явленияхнен сьонедна школаса пяк калдыв успеваемость и дисциплинась. Тонафнема кизоть васень полугоди-янь пингста школаса абсолютнай успеваемость ульсь аныцек 73 процент (башка класснень эзга сон нинге сядонга йомлал), а дисциплинась ковга аф кондыти. Тязя ученикне таргайхть, налх-кихть орлянкаса и картаса. Ульсь аф фкя случай, мзярда ученикне налхкондозь эсь тетрадьснон и лия вещаснон.

Директорсь должен тюремс учительть авторитетонц сядя тов кеподеманц инкса, а лисенди меклангт, Талышкинц учительхнен обзывает „вор“, „нахал“ и лия калдыв валса.

НСШ-са тя положенияхнен пяк цебярьста содасазь Рузаев-кань РОНО-ть работниконза, но безобразияхнен машфтомаснон инкса мерат аф примосихть.

Е. Резепова.

КИРДЕМС СОТКС РОДИТЕЛЬХНЕНЬ МАРХТА

Аф кунара Ежка велень аф полный средний школань профсоюз-най организациясь йотафтсь собрания, кося кулхондозь селькомть председателенц Кижваткин ялгать отчетнай докладонц.

Докладта меле выступающахне резкайста критиковандазь селькомть работанц, сяс мес сон ашезь интересовандакшне школьной эряфть мархта, ашезь макссе сатомшка лезкс од учительхненди. Тяда башка синц учительхне аф кирдихть соткс ученикнень и синь родительснон мархта.

Пионерский организациясь эсь

работанц кадозе самотекти, аф йотафнихть пионерхнен йоткса отрядонь и звонерьх сборхт, аф нолявихть стенной газетат. Школаса организовандафт лама добровольнай организацият и кружокт, но работась синь эсост ладяф аф сатомшкаста.

Собраниясь примась решения маластонь пингть машфтомс сембе аф сатыкснен школать эряфса, ладямс кружокнень и пионерский организациять работанц.

Дм. Поляков.

Ковылкинский район.

Касы жуватань поголовьясь

Сяда меле, кодак лиссь СССР-нь СНК-ть и ВКП(б)-нь ЦК-ть постановленихсна „Колхознень эса животноводствать развитиянц колга“ Зайце велень „Мазы пакса“ колхозсь эстакиге ушедсь сонь эряфс йотафнемонза.

Колхозса колма животноводческий фермат: СТФ—30 тува мархта, ОТФ—70 уча мархта и МТФ—11 вазня и 2 производитель мархта.

Ферматнень эса заведующайкс работайхть колхозть инь цебярь ломаненза. СТФ-ть заведующай Пугачев ялгась, эрь шинь забатанц вельде фермать вьезде образовай состоянияс. Тяфта цебярь состоянияс ашихть и иля ферматневок.

Р. Ермаков.

Рыбинский район.



Кадошкинский полный средний школаса организовандаф стрелковой кружок, кося тонафнесазь военной тевть учащайхне и педколлективсь.

СНИМКАСА: военруксь Калышев ялгась военной занятияса азонды винтов-каты пяльксонзон взаимодействияснон.

Фотось В. Ивенинть.



Московский Государственный консерва-торияса тонафнемаса лама отличникт лу-вондовихть кандидаткс Сталинский сти-пендияти.

СНИМКАСА: Вокальный факультетса талантливый певец Г. П. Тип студентсь кандидат Сталинский стипендияти.

Фотось Великожанинть.

(ТАСС-ть фото-клишец).

Даладьень кабинетот тусь отставкас

Париж, мартть 20-це шистонза. (ТАСС). Гавас агентствась азондсь, што „тячи шоблава Даладьень кабинетонц сембе министранза (почтань и телеграфонь министр Жюльенда башка, коца тьяни туф Лондону) тусть Елисейский дворецти президентть шири сянкса, штоба максомс тейнза заявления кабинетть коллективной отставканц колга“.

Лондон, мартть 20-це шистонза. (ТАСС). Рейтер агентствась радио-вельде азондсь эсь парижский корреспондентонц сообщениянц, конань эса корхтали, што президентсь Лебрен примазе Даладьень правительстванц отставканц и эстакиге ушедсь переговорхт од кабинетонь формировандамать колга.

Париж, мартть 20-це шистонза. (ТАСС). Гавас агентствась подтверждает, што министран кабинетть формированинц порученый Поль Рейнотти, Даладьень кабинетса финансонь ингольдень министр-ти.

Изонь кружоксь аф работай

М.-Пашад велень средний школаса организовандаф изонь кружок, сонь руководительс Музеева, но тя кружокть эса организацион-най беседа меле нинге мезевок апак тик.

Ученикне аф вешть пуромшк-несть, штоба синь мархтост йотафтоль беседа, но нят сембе пуромксне ульсь сязьфт Музеева аф поворотливый шинц сьонедна.

Ученикне надияхть, што тя тевть цебярьгофтомаса комсомоль-ский организациясь максы ученикненди эрявикс лезкс.

И. Горин.

Пурдошанский район.

Ответ. редакторть заместителец
И. ЧУДАЙКИН.